

КАНОН БЛАГОВЕЩЕНИЮ ПРЕСВЯТЫЯ БОГОРОДИЦЫ

Празднуем 25 марта (7 апреля)

Тропарь, глас 4-й

Днесь спасения нашего главизна, и еже от века таинства явление: Сын Божий, Сын Девы бывает, и Гавриил благодать благовествует. Темже и мы с ним Богородице возопиим: радуйся, Благодатная, Господь с Тобою.

Канон, глас 4-й.

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся светло торжествуя, и воспою радуясь Тоя чудеса.

Припев: Пресвятая Богородице, спаси нас.

Да поет Тебе, Владычице, движая свирель духовную, Давид праотец Твой: послушай, Дщи, радованного гласа от Ангела, радость бо возвещает Тебе неизглаболанную.

Пресвятая Богородице, спаси нас.

Ангел возопи: Вопию Тебе, веселяся, приклони ухо Твое, и вонми ми, Божие возвещающе безсеменное зачатие: обрела бо еси благодать пред Богом, еже никогдаже обрете другая, Всечистая.

Слава: Богородица рече: Да разумею, Ангеле, твоих глагол силу, како будет, еже рекл еси? Глаголи явственнейше. Како зачну, Дева сущи Отроковица? Како же и Мати буду Зиждителя Моего?

И ныне: Ангел возопи: Лестно мя вещати помышляеши, яко мню, и радуюся, зря Твое утверждение. Дерзай, Владычице, Богу бо хотящу, удобь скончаются и преславная.

Песнь 3

Ирмос: Твоя песнословцы, Богородице, живый и независтный источник, лик себе совокупльшия духовно утверди, в Божественней Твоей славе венцев славы сподоби.

Пресвятая Богородице, спаси нас.

Богородица рече: Оскуде князь от Иуды, время настало прочее, в неже явится языков надежда, Христос. Ты же, како Сего рожду Дева сущи, скажи?

Пресвятая Богородице, спаси нас.

Ангел возопи: Ищещи от мене уведети Дево, образ зачатия Твоего, но той несказанен есть: Дух же Святой, зиждительною силою осенив Тя, совершит.

Слава: Богородица рече: Моя прамати приемши разум змиин, пищи Божественныя изгнана бысть: темже и Аз боюся целования страннаго твоего, стыдящися поползновения.

И ныне: Ангел возопи: Божий предстатель послан есмь, Божественный повѣдати Тебѣ Совет: что менѣ бойшися, Всенепорочная, паче Тебѣ боящагося? Что благоговѣеши мне, Владычице, Тебе чѣстно благоговѣющему?

Господи, помилуй. (*Трижды.*)

Седален, глас 8-й.

Слово Божие на землю ныне сниде, Ангел предста, вопия Дѣве: радуйся, Благословенная, Яже печатию Едина сохранишися, во утробе приемши Предвѣчнаго Слова и Господа, да от прелести спасет, яко Бог род человѣческий.

Слава, и ныне, глас тойже: Послан бысть с небесѣ Архистратиг Гавриил от Бога, скоро предста ко одушевленному граду, глаголя к Ней явственно: Зиждителя приемши, Дѣво, во утробе и родиши Сего непреложне с плотию. Темже послан есмь возвестити Тебѣ странное рождество, Чистая, и стою, зовя Тебѣ: радуйся, Невѣсто Невѣстная

Песнь 4

Ирмос: Седяй в славе на престоле Божества, во облаце легце, прииде Иисус Пребожественный, нетленную дланию, и спасе зовущия: слава, Христѣ, силе Твоей.

Пресвятая Богородице, спаси нас.

Богородица рече: Священную некую Дѣву раждающую, слышах пророка древле Еммануила прорекша: хочю же разумѣти, како Божества растворение естество человѣческое претерпит?

Пресвятая Богородице, спаси нас.

Ангел возопи: Явила есть купина, неопальна пребывши, приемши пламень, Обрадованная Всепетая, на Тебѣ таинства преславное: по рождествѣ бо пребудеши Чистая Приснодѣва.

Слава: Богородица рече: Освещаемъ сиянием Бога Вседержителя, истины проповѣднице, глаголи Гаврииле истиннейшая: како нетленне бывши чистотѣ Моей, Слова рождю с плотию Безплотнаго?

И ныне: Ангел возопи: Со страхом Тебѣ яко раб, Госпожѣ, предстою, с боязнию Отроковице, ныне смотрити стыжуся Тебѣ: яко бо дождь на руно снидет на Тя Слово Отчее, яко благоволи.

Песнь 5

Ирмос: Ужасошася всяческая о Божественной славе Твоей: Ты бо Неискусобрачная Дѣво, имела еси во утробѣ над всеми Бога, и родила еси Безлетнаго Сына, всем воспевающим Тя мир подавающая.

Пресвятая Богородице, спаси нас.

Богородица рече: Разумѣти не могу твоихъ словесъ извѣстия: чудеса бо быша множицею, Божественною силою чудодѣйствуема, знаменія и образы законнии; роди же Дѣва неискусомужне никогдаже.

Пресвятая Богородице, спаси нас.

Ангел возопи: Дивит Всенепорочная, и странно бо чудо Твое, Едина бо Ты всех Царя приемши во утробѣ воплощѣема: и Тя прообразуют пророческая реченія, и гаданія, и законнии образы.

Слава: Богородица рече: Всеми невместимый, и всеми невидимый, како Сей

мо́жет во чре́во Дев́иче всел́иться, е́же Сам созда́? Ка́ко же и зачну́ Бо́га Сло́ва, Собезнача́льна Отцу́ и Ду́ху.

И ны́не: Ангел возопи́: К Твоему́ праотцу́ Дави́ду, обеща́ся посади́ти от плода́ Твоего́ чре́ва, на престо́ле ца́рства его́: Иа́ковлю Тя добро́ту, Еди́ну избра́ в словесное Селение́.

Песнь 6

Ирмос: Возопи́ прообразу́я погребение́ триднѣвное, проро́к Ио́на в ките́ моля́ся: от гли́ избра́ви мя, Иису́се, Царю́ сил.

Пресвята́я Богоро́дице, спаси́ нас.

Богоро́дица рече́: Глаго́л твои́х, Гаври́иле, глас ра́дованен приѣмши, весели́я Божественнаго испо́лнихся: ра́дость бо пове́даеши и весели́е возвеща́еши бесконечное́.

Пресвята́я Богоро́дице, спаси́ нас.

Ангел возопи́: Тебе́ даде́ся ра́дость, Богома́ти Божественная́, Тебе́, е́же раду́йся, вся тварь вопи́ет, Богоневесто́: Ты бо Еди́на Ма́ти Сы́на Бо́жия, прона́рече́ся, Чи́стая.

Слава: Богоро́дица рече́: Евы́ Мнóю ны́не да упраздни́тся осужде́ние; да возда́тся Мнóю долг днесь; Мнóю заимствование́ дрѣвнее да да́тся преиспо́лнено.

И ны́не: Ангел возопи́: Обеща́ся Бог Авра́аму праотцу́, благослови́тся в се́мене его́ язы́ком, Чи́стая; Тобо́ю же ко́неч обеща́ние приѣмлет днесь.

Го́споди, поми́луй. (Трижды.) Слава, и ны́не:

Кондак, глас 8.

Взбра́нной Воево́де победите́льная, яко́ изба́вльшеся от злых, благода́рственная воспису́ем Ти раби́ Твои́, Богоро́дице: но́ яко́ иму́щая держа́ву непобедиму́ю, от вся́ких нас бед свобо́ди, да зове́м Ти: раду́йся, Невесто́ Неве́стная.

Икос.

Ангел предста́тель с Небесе́ по́слан бысть рещи́ Богоро́дице: раду́йся! И со безплóтным гласом, воплоща́ема Тя зря, Го́споди, ужаса́шеся и стоя́ше, зови́й к Ней такова́я: раду́йся, Ею́же ра́дость возсия́ет; раду́йся, Ею́же кля́тва исче́знет. Раду́йся, па́дшаго Ада́ма воззва́ние; раду́йся, слез Е́виных изба́вление. Раду́йся, высотó неудобовосходи́мая челове́ческими по́мысли; раду́йся, глубино́ неудобозри́мая и Ангельски́ма очима́. Раду́йся, яко́ еси́ Царе́во седа́лище; раду́йся, яко́ но́сиши Нося́щаго вся. Раду́йся, звездó, явля́ющая Со́лнце; раду́йся, утробó Божественнаго воплоще́ния. Раду́йся, Ею́же обновля́ется тварь; раду́йся, Ею́же поклоня́емся Творцу́. Раду́йся, Невеста́ Неве́стная.

Песнь 7

Ирмос: Не послужи́ша тва́ри Богому́дрии па́че Созда́вшаго, но́ о́гненное преще́ние му́жески попра́вше, ра́довахуся поюще́: препе́тый отцев Го́сподь и Бог благослове́н еси́.

Пресвята́я Богоро́дице, спаси́ нас.

Богоро́дица рече́: Свет невеще́ственный пове́дая, в веще́ственне телеси́

совокупляемъ, за милосѣрдие мно́гое, свѣтлое Благовѣщение Божѣственная проповѣдания, ны́не взыва́еши Ми: благословѣн, Всечы́стая, плод Твоего́ чре́ва

Пресвята́я Богоро́дице, спаси́ нас.

Ангел возопи: Ра́дуйся, Влады́чице Де́во; ра́дуйся Пречы́стая; ра́дуйся, пры́ятелище Бо́жие. Ра́дуйся свѣщнице Свѣта, Ада́мово воззва́ние, Евы́ избавле́ние, горó свята́я, прея́вственное свяще́ние и черто́г безсме́ртя.

Слава: Богоро́дица рече́: Ду́шу очисти, те́ло освяти́, це́рковь сотвори́ Мя вмессти́тельную Бо́га, ски́нию Богоукра́шену, одушевле́н храм най́тием Пресвята́го Ду́ха, и Жи́зни Чы́стую Ма́терь.

И ны́не: Ангел возопи: Я́ко многосвѣтлую свещу́, и Богоде́ланен черто́г, ви́жу Тя ны́не я́ко злат киво́т, зако́на Подате́ля приими́, Богоневѣ́сто, благоизво́лившаго челове́ческое изба́вити Тобо́ю тле́нное существо́.

Песнь 8

Ирмос: Слы́ши Отрокови́це, Де́во Чы́стая, да рече́т у́бо Гаври́ил, Совет Вы́шняго дре́вний и́стинный: бу́ди к пры́ятию гото́ва Бо́жию, Тобо́ю бо Невмессти́мый с челове́ки поживе́. Тем и ра́дуяся вопи́ю: благослови́те, вся дела́ Господ́ня, Го́спода.

Пресвята́я Богоро́дице, спаси́ нас.

Богоро́дица рече́: Ум всяк побежда́ется земных, отве́ща Деви́ца, и́щущий, я́же Мне веща́еши пресла́вная; слы́шах тво́я словеса́, но бою́ся ужаса́ющихся, да не ле́стию Мя я́ко Е́ву далече́ по́слеша от Бо́га. Но оба́че се вопи́ю: благослови́те, вся дела́ Господ́ня, Го́спода и превозноси́те Его́ во ве́ки

Пресвята́я Богоро́дице, спаси́ нас.

Ангел возопи: Се Тебе́ недоуме́нное разреши́тся, глаго́лет к сим Гаври́ил: до́бре бо рекла́ еси́, вещь неудобопости́жна! Словесѣ́м Твои́х устенъ повиную́щихся проче́е, не сумни́ся я́ко ле́сти, я́коже ве́щи ве́руй. Аз бо ра́дуяся вопи́ю: благослови́те, вся дела́ Господ́ня, Го́спода и превозноси́те Его́ во ве́ки.

Пресвята́я Богоро́дице, спаси́ нас.

Богоро́дица рече́: Зако́н сей от Бо́га есть челове́ком, Непоро́чная а́бие глаго́лет, от о́бщия любве́ рождество́ происхо́дит. Не вем супру́жника сла́сти всеконечно́, ка́ко у́бо глаго́леша, я́ко рожду́? Бою́ся, еда́ леств глаго́леша, но оба́че вопи́ю: благослови́те, вся дела́ Господ́ня, Го́спода и превозноси́те Его́ вове́ки.

Слава: Ангел возопи: Глаго́лы, я́же мне веща́еши, Чы́стая, Ангел па́ки глаго́лет, обы́чая есть рождества́ челове́ков сме́ртных; и́стинно Бо́г Тебе́ Бо́га обеща́ваю, па́че слова́ же и смы́сла воплоща́ема, я́ко весть, из Тебе́. Те́мже и ра́дуяся вопи́ю: благослови́те, вся дела́ Господ́ня, Го́спода и превозноси́те Его́ во ве́ки.

И ны́не: Богоро́дица рече́: Явля́еши́ Мне и́стины веща́тель, рече́ Дева́, ра́дости бо о́бщия прише́л еси́ благове́стник: ду́шу у́бо очисти́х с те́лом, и по глаго́лу твоему́ бу́ди Мне, да вселит́ся Бог в Мя. К Немуже́ вопи́ю с тобо́ю: благослови́те, вся дела́ Господ́ня, Го́спода и превозноси́те Его́ во ве́ки.

Песнь 9

Ирмос: Я́ко одушевле́нному Бо́жию киво́ту, да ника́коже ко́снется рука́ скве́рных. Устне́ же ве́рных Богоро́дице немол́чно, глас Ангела́ воспева́юще, с ра́достью да вопи́ют, ра́дуйся, Благодатная, Господь с Тобо́ю.

Пресвятая Богородице, спаси нас.

Паче смысла зачѣнши Бѳга, естества обычая утайся, Отроковице! Ты бо в рождѣстве матерскаго избежала еси тлѣннаго естества, и превышши сущи. Тѣмже достойно слышиши: радуйся, Благодатная, Господь с Тобѳю.

Пресвятая Богородице, спаси нас.

Како точиши млѣко, Дѣво Чистая; не может изрещи языкъ зѣмлен, странну бо естества показуеши вещь, законнаго рождества уставъ преходиши. Тѣмже достойно слышиши: радуйся Благодатная, Господь с Тобѳю.

Пресвятая Богородице, спаси нас.

Тайно во Священныхъ Писаниихъ глаголася о Тебѣ, Мати Вышняго; лѣствицу бо дрѣвле Иаковъ Тя образующую видѣв, рече: степень Бѳжия сия. Тѣмже достойно слышиши, радуйся Благодатная, Господь с Тобѳю.

Слава: Чудное священноявленному Моисѣю, купина и огонь показá чудо: ищай же конца в прехождѣнии времѣн, ко Отроковице Чистой, рече, узрю. Ейже, яко Богородице, да речѣтся: радуйся, Благодатная, Господь с Тобѳю.

И ныне: Даниилъ Тя Гору нарече мысленную, Родительницу же Бѳжию Исаиа; видит же яко руно Гедѣонъ, Давидъ же священіе глаголетъ, дверь же Тя ин. Гавриилъ же Тебѣ взываетъ: радуйся, Благодатная, Господь с Тобѳю.

Задостойник

Яко одушевленному Бѳжию кивѳту, да никакоже коснется рука скверныхъ. Устнѣ же верныхъ Богородице немолчно, гласъ Ангела воспевающе, с радостію да вопіютъ: радуйся, Благодатная, Господь с Тобѳю.